



Tir Yimyim

www.tiryimym.in


Regd. No. RNI. NAGAAO/ 2004 / 13113. Postal-NE/RN-717.

e-mail : tiryimym@gmail.com



TAPAK 3

Dipanker Kumar tanaben AASU tir shimogo



TAPAK 8

Trump-i Pennsylvania court nung takok mongutet

VOL. XVIII NO. 45 (ADOK 45) DIMAPUR

TENTONÜ (MONDAY) YIMPOKSÜI (NOVEMBER) 23, 2020

₹ 5.00

Nagaland nung menoknok anak

Guwahati, November 22 (Agencies): Deobarnü Nagaland nung Richter scale nung 4.4 asadanga menoknok ka anak.

Tanep 8:59 ako meta Mokochung nung menoknokji anak ta National Centre for Seismology (NCS)-i metetdaksü.

Menoknok anakba tiyongsü nung ali telunglen kilometre 23 shi irr anak. Iba lendong nung

nisung yiruyibongba mesüra teraksa anguba osang kecha mali.

Tanep anakba menoknokji Assam nunga metet.

Honibarnü Manipur nunga menoknok ana tashi anak. Yashinep 6:54 ako meta Senapati nung 2.8 magnitude anak aser iba sülen anepdang 10.19 meta ano ka anak.

Mariani-Mokokchung lenmang mokdangba atema Nov 25 nü senden ka amentsü

Guwahati, November 22 (Agencies): Assam-Nagaland arrtsü anasa November 15 nungi Assam telok balalai Mariani (Assam) - Mokochung (Nagaland) lenmang mokdang lungkak aiter.

"Mokokchung aser Jorhat nungi deputy commissioner (DC) temi tensa süngjemdaksütsü atema osang agitepdar" ta Nagaland MLA aser Border Affairs advisor, Mhathung Yanthan-i osangbener dang ashi.

"Tang tashi nungbo tensa aziüoka lir" ta paisa ashi.

Nagaland aser Assam state sorkartemi arrtsü tebilemtsü atema kecha balaka meinyaktetsü kechiyong iba ken o ya Supreme Court nung benoka lir, ta Yanthan-isa ashi.

Tawa tu Assam minister Himanta Biswa Sarma-i Naga yimten latetdang, arrtsü indang tebilemtsü angatetteptsü ta shiogo, ta paisa metetdaksü.

"Iba mokdang ajanga lendong

kecha matalok saka rongsenkettsüing mokdangba ajanga public temulung animesüngzük lir. Mokdang ya magienra tensa mejungi akümtsü akok" ta Mokochung DC Limawabang Jamir-ia ashi.

Iba tebilemtsü atema pai Jorhat DC den jembitepdar aser November 25 nü Jorhat nung DC/SP jenjang nung senden ka amentsü lir ta paisa ashi.

"Tanep ni Jorhat DC den jembioigo aser la dang mokdang ayongertem dang mokdang agientsü atema jembitsü ni shiogo. Lai teloktem den jembiteptsü ta nangzük" ta Mokochung DC-isa metetdaksü.

Nagaland-i Dissoi Valley Reserved Forest telung nung police camp ka amenok ta Assam teloktemi tai tonglokja rongsenkettsüing mokdangtsü tenzük. Iba atema Assam police-ia ashishitep aliba tesem nung camp ka amenokogo.

Dmr nung ki ka shibangtsür

Dimapur, November 22 (TYO): Ghonda 48 atema H.No- 21 COVID-19 menatepa aoba aziöktsü atema Dimapur nung ki ka shibangtsü ta Deputy Commissioner aser Chairman DDMA Rajesh Soundararajan, IAS-i metetdaksüo.

Thahekhü Block-I Dimapur shibangtsür aser iba tetuyuba alema inyakertem Disaster management Act, 2005 aser IPC kübok temerenshi alitsü, ta Dimapur DC-i sangdong ka nung ashi.

NE nung mezüngbuba nashi indang mozü ki lapokogo

Dibrugarh, November 22 (Agencies): Northeast nung nashitem anepalutsü atema mezüngbuba mozü ki ka Dibrugarh nung lapokogo.

Deobarnü Gopashtami amongba tenüing nung Dibrugarh kübok Gopal Goshala nung mozü ki tasenji lir. Tanü social activist Sunil Agarwalla-i mozü kiji lapoktsü.

Lord Krishna-i nashi anüker tajung ka akümba tenüing nung Gopashtami benjong amonger.

"Iba ya Northeast nung nashi mozü ki mezüngbuba lir. Iba mozü ki nung surgery facilities dena lir" ta Gopal Goshala tir Nirmal Beria-i ashi.

Iba Goshala ya teyarir maliba nashitem anepalutsü atema lapokba lir, ta paisa ashi.

"Goshala ketdangtsüa repringtsü atema luden ka shimteta lir" ta Beria-isa shisem.

Iba goshala nung nashi, jang aser tejanu 368 lir.

Japukong Youth Organization-i Tzurangkong semdang



Watiyim nung Japukong Youth Organization (JYO) aser Tzurangkong Range Naga Youth Front (TRNYF) ketdangpurtem külemi agiba noksa angur.

Dimapur, November 22 (TYO): Japukong Youth Organization (JYO)-i Deobarnü Tzurangkong kübok Watiyim yimtsüing semdang aser Tzurangkong Range Naga Youth Front (TRNYF) den rongsenkettsüing mokdangba onük lemsatetep.

Watiyim nung senyur kidang Mokochung Deputy Commissioner aser Dimapur 2 MLA Moatoshi Longkumer na lia JYO-i TRNYF den senden ka amen.

Senden nung Nagaland aser Assam tsüingda arrtsü tebilemtsü indang benoka lemsatetep aser idangji

TRNYF-i mapa inyakba nung JYO-i pusemer aser yariteptsü ta ashi.

Parnokisa Naga Foothill Road tekaratiba nung yanglutsü atema mepishia metetdaksü.

Tanü JYO-i Tzurangkong Range Naga Youth Front (TRNYF) nem semeyrjang ter tenla agütsü.

COVID-19 Nagaland: Nisung 103 dak putet; 10,777 kümogogo

Kohima, November 22 (TYO): Deobarnü armed forces 53 densema Nagaland nung nisung 103 dak COVID-19 aliba putetogo, ta Health & Family Welfare Minister S. Pangnyu Phom-i metetdaksü.

"Tanü nisung 103 dak COVID-19 aliba putet. Parnokji Kohima nung 78, Dimapur nung 24 aser Zunheboto nung 1 lir" ta Minister Pangnyu-i ashi.

"Maneni, COVID-19 puteta alir nisung 66 tashi taneptsü nguogo. Parnokji Kohima nungi 34 aser Dimapur nungi 32 lir" ta paisa shisem.

Nisung 10,777 rongnungi 9,203 tashi taneptsü nguogo aser 1,406 anepaludar, ta Minister Pangnyu-isa ashi.

Nagaland nung taneptsü angubaji 85.39% lir aser nisung 105 tashi tanga state temi ogo, ta Health & Family Welfare Department

Director, Dr Denis Hangsing-i ashi.

Nagaland nung COVID-19 puteta alir nisung 62 tashi süogo. Parnok rongnung nisung 53 COVID-19 ajanga asü, 6 tanga timtem ajanga aser 4 asüba kuli bushitepdar, ta paisa ashi.

District balala nung COVID-19 putetba: Dimapur (5,994), Kohima (3,172), Mon (577), Peren (461), Tuensang (197), Zunheboto (140), Mokochung (120), Phek (44), Wokha (29), Kiphire (25) aser Longleng (18).

Nisung 10,777 nungi armed forces personnel 4,473, Traced Contacts 4,044, tanga state tem nungi arur 1,753 aser Frontline Workers 507 lir, ta Dr Hangsing-isa metetdaksü.

District balala nung tang anepalurtem: Dimapur (794), Kohima (380), Peren (150),

Tuensang (41), Mon (28), Phek (7), Mokochung (3), Zunheboto (2) aser Kiphire (1).

COVID-19 puteta alirtem rongnung nisung 31 dak shirangba yimya terara lir, 3 kanga shiranga oxygen agidar aser 7 ICU nung anepaludar. Tanüingba nisung 1,365 dakbo shirangba yimya kecha mali.

Taneptsü angurtem: Dimapur (5,096), Kohima (2,758), Mon (538), Peren (311), Tuensang (155), Zunheboto (135), Mokochung (113), Phek (37), Wokha (28), Kiphire (23) aser Longleng (9).

"Nagaland nung COVID-19 alitsü akok ta temulung melemi bilemba sample 1,09,416 tendangogo. RT-PCR ajanga sample 67,016, TrueNat ajanga 6,802 35,598 aser Rapid Antigen Test ajanga sample 6,802 tendang" ta Dr Hangsing-isa metetdaksü.

Tarun Gogoi temang kanga mejungi kümer anepalur

Guwahati, November 22 (Agencies): Taoba Assam Chief Minister Tarun Gogoi temang kanga mejungi kümer Gauhati Medical College and Hospital (GMCH) nung anepaludar.

"Honibar anüingdang arishi küm 86 tain Tarun Gogoi-i tango junga mesashiteti akümba sülen süchia ao. Pa temang nung ano tanga timtem aika lir" ta Assam Health Minister Himanta Biswa Sarma-i ashi.

Honibarnü nungi pa 'mechanical life support' nung lir aser doctor telok kati pa kanga junga anepaludar.

Assam Chief Minister Sarbananda Sonowal-ia tanü Tarun Gogoi taneptsü angutsü atema sarasademtsüba osang

metetdaksüo.

"GMCH nung doctor tem den ni teti osang agitepdar aser parnoki kü nem osang ajak sangoktsür" ta Sonowal-i ashi.

"Pa tang temang süchia aoba tia ka nung lir aser azü jajaba den blood pressure lir. Pa teka aser tenük arakzür aser ibaji osang tajung lir, saka natzü manar" ta GMCH Superintendent Dr Abhijit Sarm-i osangbener dang ashi.

GMCH doctor temi Delhi nung All India Institute of Medical Sciences nung mongin nisungtem den osang agitepa pa anepalur.

"AIIMS mongintem den onoki asüingdantepa Gogoi anepalur.

Onoki pa taruba ghonda 24 tashi kanga junga repringtsü. Pa temang tajungba akümtsü ta onoki imlar" ta Dr Sarma-isa ashi.

Tarun Gogoi'er jabaso MP Gaurav Gogoi-a mozü kidang lir.

Taküm August 25 nü Tarun Gogoi dak novel coronavirus aliba puteta liasü. Iba tasüingji pa Gauhati Medical College and Hospital nung anepalutsü aniok aser ita ana shi lir külen pa COVID-19 nungi taneptsü angu.

November 2, 2020 nü pa temang tamajungba akümba agi tanaben mozü kidang aniok aser Honibar tashi non-invasive ventilation nung anepalua aru.



CORONAVIRUS WARAS ENOK LONGJEMER AKOKTSÜ ASOSHI -
Metsü mashi nung temetsü aser hajidang sü agi teni nembanger hajiang.

- In collaboration with the Media Cell, RD Department, Nagaland



Teka agi Laishiba ajunga tanaben zülur



Wb.Chubatemjen Ao aser kinungtsü na den Rev. Dr.L.Anjo Keikung noksa nung angur. (Dimapur, Nov.22, 2020)

Dimapur, Nov.22 (TYO) : Tamangertem aika Laishiba azüngtsüa mejangrai akümba putu tensa ka nung, Nagaland nung taoba kilonser (ex minister) Wb.Chubatemjen Aoi English Laishiba Genesis (Lipok) nungi Revelation (Jungkai Adok) tapu tashi teka agi zülutsü tenzükogo.

Pai tamalena Ao o nung Temeshi Lai Lipok nung Jungkai adok tashi pa teka agi küm pezü tashi agia zülua lir.

Taküm 2020 küm February ita 7 nü pa arishi küm 75 ajung aser iba tenü nung Tsüngrem tenüngsanga pai English nung adoka aliba Laishiba Lipok nungi Jungkai Adok tashi zülutsü mulungtet.

"Ne February 7, 2020 anogo nungi Lipok tapu ka tekong ka nungi tenzuka kü teka agi züluba tanü November 22, 2020 tashi nung Jeremiah (Yerimia) tapu 33 tashi zülüogo," ta Wb.Chubatemjen Aoi kanga

pela metetdaksü.

Tang tashi nung pai zülubaji tapak 1008 aliba kaket (register) tulu ana nung zülua lir. Mezüngbuba kaket (1st Volume) nung Lipok nungi 1 Chubatem 21 tashi aser tanabuba kaket (2nd volume) nung 1 Chubatem 22 nungi Yerimia 33 tashi zülua lir. Kaket ka züluma shia pai Tsüngrem tenzükur jaoka meshiteta sarasademdaksür. Mezüng kaket renemer külen pai par arogo, Diphupar Ao Baptist Arogo nung sannüker jaoka sarasadem mapang agia liasü aser tanü tanabuba kaket renemba anogo nung Nagaland Baptist Church Council nung taoba General Secretary, Rev.Dr.L.Anjo Keikung jaoka sarasadem mapang agia liasü.

Pai teka agi züluba English Laishibaji Unites States of America kümer küm 200 ajungba tenü nung

Montgomery Community Baptist Church, USA-i adokba America Bicentennial Edition, Holy Bible, KJV kaket nung ajizüka zülur. Iba Laishiba tetenzüklen Laishiba nung amendaker America akümba aser America kümli nungi 1976 tashi nung US tir inyaka arurtem noksa aser parnok taküm otsü tatsütsü agüja lir.

Tsüngremi anema yutsüra, tang züluba kaket yabo sangküm küm tomka tashi nngbo zülumatsü imlar ta kaket züluri tanü iba osang zülur den sensaksem dang metetdaksü.

"Mezüng Ao Laishiba kü teka agi Lipok nungi Jungkai adok tashi züludangbo küm pezü tashi agi, kechiyong iba mapang nungbo ni yimten nung kanga mazüngi inyakba mapang ka liasü, saka tangbo ni azünga dang lir, anungji yakta zülumatsü," ta Wb.Chubatemjen Aoi temulungtetba tulu nung metetdaksü.

Kohima District Pharmacists' Union senden ayonger

Dimapur, Yimpoksüi/Nov. 22 (TYO): Kohima District Pharmacists' Union pur lokti senden 18 buba ya District Industries Centre, Upper Chandmari Kohima indang Conference Hall (Top Floor)

nung November 25, 2020 anepdang 10:00 ako nungi amentsü, ta sangdong ka ajanga metetdaksü.

Iba senden nung executive aser züngsem ajak arua adentsü mepishir. Züngsem

temi osang-tsüsang tali tejangjaba nung agitetsü mechi mobile number 7005636471- President aser 9862689308- General Secretary ajanga tongteprateptsü akok, ta sangdong ajangasa ashi.

Assam Rifles ajanga sentong balala ayongzüka agi



Dimapur, Yimpoksüi/Nov. 22 (TYO): HQ IGAR (N) kübok Assam Rifles, Jalukie Battalion ajanga November 20, 2020 nü Lower Sinjol nung medical aser immunization camp ka ayongzüka agia liasü, kong temeket nung aliba yimtsüngtem nunga shilem agia liasü.

Assam Rifles temi PHC, Athibung nungi doctor ka aser staff züngsem ana den lungjemer Lower Sinjol aser Nkio Lodhi yimtsüng nung alir temang tendang aser nungdakba mozü agüja liasü.

Ibamapang kinü aser tila

tanurtem nem mozü agüja liasü. Parnoki yimdaklir dang COVID-19 agi tesem ajunga sünger aliba mapang temang anema alitsü aser mürekmejua alitsü indang rasaa ashi.

Iba medical camp nung yimdaklir 87 temang anepalua mozü agütsü aser kinü tanur 3 nem vaccine agüja liasü.

Iba medical aser immunization camp nung tebur 36, tetsür 31 aser tanur 23 tashi ajangzüka liasü.

Maneni HQ IGAR (North) kübok Assam Rifles, Kiphire Battalion ajanga COVID-19 awareness ajungkettsü mechi

Kiphire district kübok Mount Horeb Baptist School, Pungro nung o intepba aser painting tetoktepba sentong ka ayongzüka agia liasü.

COVID-19 tashidak nungi jenbua alitsü atema awareness agütsütsü, sanitizer aser mask amshiba, social distancing yimya amshiba aser temang anema aliba dak sendakba aser mürekmejua aliba yimyatem indang iba sentong nung rajema agia liasü.

Iba sentong nung tebur 35, tetsür 25 den tesayur ter aser school principal dena liasü.

Dy. CMajanga asükhu lemsatep

Dimapur, Yimpoksüi/Nov. 22 (TYO): BJP party lenir K. James Vizo tetsü Khyothunglo Salie Vizo, November 22, 2020 nü Kohima nung asüba asoshi asükhu lemsateper, ta Deputy Chief Minister, Y. Patton ajanga sangdong ka nung lemsatep.

La asüba ya kibong atema akoksaba kisüng masü saka asenok atema tetsü tajung ka

samaogo, aser la asüba ajanga tawa adoktsüba asüngtsü tasak asütsü, ta pai ashi.

Tang mangyim tejashi nung aliba mapang Nagaland BJP legislature tem aser state BJP nung inyaktertem tenü nung mangyimer kibong den asükhu lemsateper aser asür tanüla tesunep nung anisüngzükjang ta sarasademtsür, ta DY. CM ajangasa ashi.

KAT & LSTK-i mang ayimer



Wb.M.N.Ajungba Ozukum

metetdaksüogo.

" Pa ama lenir tajung ka samabaji onok asoshi kanga takoksa tulu lir aser kanga nemjema bilemer," ta KAT aser LSTK na pronglai asür mangyima metetdaksü.

Asür M.N.Ajungba Ozüküm ya KAT Sanen Luden nung züngsem tajung ka liasü. Pai lokti mapa ajak nung ochishia aser kanga nendaka inyaka aruogo. Pa taküm meliaka pai lokti ajungtsü asoshi bendanga agüja inyakba mapatem teti bilemtetsü ta KAT aser LSTK nati metetdaksü.

Iba ama mangyim jashi mapang ya kokteta aotsüsa asüri toktsür aoba kinungertem nem tesunep aser tashi tasen agüjangma ta KAT aser LSTK tenü nung lenirtemi sarasadema metetdaksüogo.

Kohima nung 72nd NCC Raising Day mungogo



Dimapur, Yimpoksüi/Nov. 22 (TYO): Kohima Group, NCC kübok 24 Nagaland (I) Coy NCC, Kohima indang NCC züngsem temi November 22, 2020 nü 72nd Raising Day munga liasü.

Kigwema GHS lungjemer 'Run for health' ayongzüka liasü. Teti temang arakzüa alitsü kodang tongtipang, ibaji metetjemdaksütsü aser kinungertem aser medemer dang temang anema alitsü nungdakba awareness agütsütsü asoshi iba sentong ya ayongzüka liasü.

Reju ajunga nung National Flag songa iba anogomung tenzük aser state tesem balala nung sentong balala ayongzüka liasü, kong NCC Officers aser cadet ajungai tejangraba tajung nung shilem agi.

Iba anogomung nung parnoki süngdong atemba, temang anema alitsü atema asemtepba, painting tetoktepba aser mürekmejuba maparen amala inyaka liasü. Iba anogo cadet ajungai tejangraba nung shilem agiba nguogo aser tang COVID-19 ajanga tensa tamajung bener aruja alidang kundangshia alitsü atema awareness sangdongtsü maongka parnok nem agütsü, NCC Cades ajunga tsüngta kükümshia aser linük meima alitsü angazükdaksü.

Japfu Christian College aser

Kohima Science College nungi cadet temi mozü aser alima tepour jungdaksüba süngdong tem tema liasü. Iba mapang cadet tem nemsä tzü mopung wazüka ayutsü indanga rasaa ashi.

Item sentong agiba sülen shilem agiba cadet tem nem süngo jemdaksü.

Group Commander Brigadier Vengugopal, SM aser Kohima Group NCC nung lenirtem ajak tenü nung Col Daniel Lotzem , Commanding Officer of 24 Nagaland (I) Coy NCC, Kohima ajanga NCC Officers, Cadets aser talisa Forest Department, Kohima ajanga angati süngdong agütsüba atema pelaba sangdong ka ajanga ashi.

North Tripura nung nisung ka asü



Joint Movement Committee (JMC) züngsemtemi Police den raraba noksa nung angur.

Agartala, November 22 (Agencies): North Tripura kübok Panisagar nung Honibarnü ano nisung ka süogo. Sepaitem aser Bru nung anema noktaktertem tsüingda raradang pa asü.

Tasüsangji arishi küm 40 tain Biswajit Debarma ta jangjaogo. Pa ya fire service employee ka liasü.

Honibarnü arishi küm 47 tain Srikanth Das khaset. Tripura State Rifles personnel-i Chamtila nung National Highway mokdangertem dak injang khaloktsüandang pa asü.

Iba lendong nung civilian 7 den police, fire service personnel aser sorkar ketdangser 15 tashi yirua lir.

Biswajit Debarma ya tekolak yirur GBP hospital, Agartala-i anir ao saka idakji pa asü.

Iba osang ya North Tripura superintendent of police, Bhanupada Chakraborty-i jangjatsüogo.

Yasüing Joint Movement Committee (JMC) lennirtemi Panisagar forest bungalow nung Tripura social welfare minister Santana Chakma aser BJP MLA Bhagaban Das na den ajurutepa senden ka menogo.

Senden amenba sülen JMC lennirtemi Deobarnep nungi Panisagar sub-division nung mokdangba anentsü osang metetdaksü.

Ajisüaka, JMC lennirtemi

Kanchanpur sub-division nungbo mapang telatet makai mokdangba magientsü ta metetdaksüogo.

Joint Movement Committee lennir Sushanta Bikash Barua-i ashiba agi Tripura sorkari telangzüba magütsü tashi lungkak aittsü.

State sorkari Kanchanpur aser Panisagar nung mepetmesü adokba atema bushisüing dang asütsü tetuyuba agütsüogo.

Lendong balala nung tasür kibong shia nem Rs. 5 lakh agütsütsü aser yirua alirtem anepaludang endokba sen menoktsü ta state sorkari metetdaksüogo.

Tripura nung opposition Congress aser CPI(M)-i iba tatalokba atema state sorkar aittsüogo.

State sorkari nübertem dang masüingdangtepilemetetba agi ta Tripura Congress president Pijush Biswas-i ashi.

Bru nung Tripura nung lidaktsütsüba onük atema sorkari all-party senden ka ayonga amentsüla ta Biswas-isa ashi.

JMC-i anogo tenetnü tashi lungkak aita arur saka state sorkari parnok den jembitsü renema mali ta CPI(M)-ia metetdaksüogo.

Meghalaya police tenet yiru

Shillong, November 22 (Agencies): Honibarnü Meghalaya kübok East East Jaintia Hills district nung NGOs züngsemtem den raratepdang tetsür constable ka densema police tenet yiru.

Cement plant ka ulushiba dak sendakba nung Khliehriat kübok DC Office nung public hearing aliba mapang NGOs aser police tsüingda teka sangshitepa raratepba lendong ya atalok.

East Jaintia Hills Superintendent of Police (SP), Deepak Palecha-i ashiba agi, Lumshnong nung lapoka aliba cement plant ulushitsü atema asadanga maparen dak sendakba nung public hearing ya ayongzüka liasü.

Public hearing tenzüka mapang, NGO balala indang züngsemtem iba tesem (Khliehriat DC Office) telungi ait.

Palecha-i ashiba agi, COVID-19 temzüing agi melaba ama, iba hearing agiba mapang

nüburtem dang social distancing nung anidaktsü aser pei tenüing register asütsü atema metetdakja liasü.

COVID-19 temzüing agi melaba ama, iba tesem telungi telok balala lemsar mapang ka nung nisung 100 dang aittsü melar.

Ajisüaka, NGOs züngsemtemi register asütsü memolung aser parnok ajak khen nung dang iba tesem telungi ayi, koba ajanga police den rarateptsüsa aküm.

SP Palecha-i ashiba agi, public hearing agiba tesem nung police-i yur aliba barricade tem NGOs züngsemtemi raksatsü, lung agi aon aser wako asongba nükdang amshia police tem dak amak.

Iba tensa azioktsü merangba mapang police kar yirua liasü. Telok kanga sashia küma aoba asadangteta aser parnok jenshidaktsütsü atema police-i tear gas shell aser stun grenade tem amshitsüsa aküm.

Iba lendong nung yirur police züngsem temji Lesterfield Khardewsaw, Nanditha Sangma, Jason Myrom, Sainlang Jyrwa, Bansynshar Lyngdoh, Kmensar Mawzor aser Jigash Sangma ta jangjaogo.

"Section kar nungi ashishitepba ajanga public hearing ya taoba mapang magitet. Ajisüaka, sorkar tetuyuba nung ajemdaker tanü (Honibarnü) iba hearing ya agi aser nisung 1400 adenshi," ta Palecha-i ashi.

Yirur alir police tem mozüki anir oa anepaludar, ta pai shisem.

"Iba lendong dak sendakba nung onoki nisung ka danga mapu, saka iba lendong tenzüksürtem aputsü asoshi onoki video footage asadangtsü," ta pai ashi.

Maneni, SP-i ashiba agi, iba lendong dak sendakba nung mejangjaba nisung anema ken o ka benokogo aser bushisüing dangtsü tenzükogo.



Taoba Assam chief minister Tarun Gogoi'er jala Chandrima Gogoi-i tanü Gauhati Medical College and Hospital (GMCH) nung tebu den ajuruteptsü atema arudang agiba noksa angur. Chandrima ya USA nung alir. Tanü Lok Sabha MP aser Tarun Gogoi'er jabaso Gaurav Gogoi aser pa kinungtsü Elizabeth natia GMCH nung tebu semdang. (Guwahati, November 22)

Dipanker Kumar tanaben AASU tir shimogo

Guwahati, November 22 (Agencies): AASU tir ama Dipanka Kumar Nath tanaben shimogo.

Kasa mapang Shankarjyoti Baruah AASU general secretary tasen ama shimogo.

AASU indang 17 buba Convention Honibar aonung tembangogo aser iba mapang Assam kaketshir tentet indang ketdangpur tasentem shima liasü.

Convention nung All Assam Students' Union (AASU) tir ama

Dipanka Kumar Nath tanaben shim aser Shankarjyoti Baruah AASU general secretary tasen ama shima liasü.

AASU general secretary Lurinjyoti Gogoi AASU nungi anenogo. Gogoi-i political party tasen - Asom Jatiya Parishad (AJP) nung adentsü aser aruya aliba Assembly election mapang Duliujan constituency nungi tokteptsü inlar.

Ajisüaka, AASU chief adviser Samujjal Bhattacharyya bo AASU den külemi inyaktüsü.

Form No. 3
[See Regulation-15 (1)(a)]

DEBTS RECOVERY TRIBUNAL GUWAHATI
Suwarna Bhawan, House No. 12, New Town Path, Near Hanuman Mandir, G.S. Road, Ulubari, Guwahati- 781007 (Assam)

Case No.: OA / 42 / 2020
Summons under sub-section (4) of section 19 of the Act, read with sub-rule (2A) of rule 5 of the Debt Recovery Tribunal (Procedure) Rules, 1993.
Exh. No. 623

BANK OF BARODA (Erstwhile VIJAYA BANK)
- VS -
MESSERS QUALITY CARE THELUO

To,
1. **MESSERS QUALITY CARE THELUO**
D/W/S/O- Vesato Theluo, OMH/C/10, Near School of Music, Old Minister Hill, Kohima, NAGALAND- 797001.
2. **MRS. AVIU THELUO**
Wife of Sri Vesato Theluo, House No. C 10, Old Minister Hill, REV DR NEILIEZHUU Road, Kohima Post Office, Ward No. 14, Kohima, NAGALAND- 797001.

SUMMONS

WHEREAS, OA/42/2020 was listed before Hon'ble Presiding Officer on 09.11.2020.

WHEREAS this Hon'ble Tribunal is pleased to issue summons/notice on the said Application under section 19(4) of the Act, (OA) filed against you for recovery of debts of **Rs. 20,68,248.15/-** (application along with copies of documents etc. annexed).

In accordance with sub-section (4) of section 19 of the Act, you, the defendants are directed as under :-

(i) to show cause within thirty days of the service of summons as to why relief prayed for should not be granted;

(ii) to disclose particulars of properties or assets other than properties and assets specified by the applicant under serial number 3A of the original application;

(iii) you are restrained from dealing with or disposing of secured assets or such other assets and properties disclosed under serial number 3A of the original application, pending hearing and disposal of the application for attachment of properties;

(iv) you shall not transfer by way of sale, lease or otherwise, except in the ordinary course of his business any of the assets over which security interest is created and/or other assets and properties specified or disclosed under serial number 3A of the original application without the prior approval of the Tribunal;

(v) you shall be liable to account for the sale proceeds realised by sale of secured assets or other assets and properties in the ordinary course of business and deposit such sale proceeds in the account maintained with the bank or financial institutions holding security interest over such assets.

You are also directed to file the written statement with a copy thereof furnished to the applicant and to appear before **Registrar on 23.12.2020 at 10:30 A.M.** failing which the application shall be heard and decided in your absence.

Given under my hand and the seal of this Tribunal on this date: 17.11.2020.
Signature of the Officer Authorised to issue summons.

Form No. 3
[See Regulation-15 (1)(a)]

DEBTS RECOVERY TRIBUNAL GUWAHATI
Suwarna Bhawan, House No. 12, New Town Path, Near Hanuman Mandir, G.S. Road, Ulubari, Guwahati- 781007 (Assam)

Case No.: OA / 39 / 2020
Summons under sub-section (4) of section 19 of the Act, read with sub-rule (2A) of rule 5 of the Debt Recovery Tribunal (Procedure) Rules, 1993.
Exh. No. 621

BANK OF BARODA (Erstwhile VIJAYA BANK)
- VS -
MESSERS ACME CONSTRUCTION

To,
1. **MESSERS ACME CONSTRUCTION**
D/W/S/O- Vesato Theluo, OMH/C/10, Near School of Music, Old Ministers Hill, P.B. No. 89, Kohima, NAGALAND- 797001.
2. **MR. WETSO MERO**
Son of Khrotso Mero, Messers BIBLE House NST Taxi Stand, Opposite Bank of Baroda, Kohima, NAGALAND- 797001.

SUMMONS

WHEREAS, OA/39/2020 was listed before Hon'ble Presiding Officer on 09.11.2020.

WHEREAS this Hon'ble Tribunal is pleased to issue summons/notice on the said Application under section 19(4) of the Act, (OA) filed against you for recovery of debts of **Rs. 28,77,253.50/-** (application along with copies of documents etc. annexed).

In accordance with sub-section (4) of section 19 of the Act, you, the defendants are directed as under :-

(i) to show cause within thirty days of the service of summons as to why relief prayed for should not be granted;

(ii) to disclose particulars of properties or assets other than properties and assets specified by the applicant under serial number 3A of the original application;

(iii) you are restrained from dealing with or disposing of secured assets or such other assets and properties disclosed under serial number 3A of the original application, pending hearing and disposal of the application for attachment of properties;

(iv) you shall not transfer by way of sale, lease or otherwise, except in the ordinary course of his business any of the assets over which security interest is created and/or other assets and properties specified or disclosed under serial number 3A of the original application without the prior approval of the Tribunal;

(v) you shall be liable to account for the sale proceeds realised by sale of secured assets or other assets and properties in the ordinary course of business and deposit such sale proceeds in the account maintained with the bank or financial institutions holding security interest over such assets.

You are also directed to file the written statement with a copy thereof furnished to the applicant and to appear before **Registrar on 23.12.2020 at 10:30 A.M.** failing which the application shall be heard and decided in your absence.

Given under my hand and the seal of this Tribunal on this date: 17.11.2020.
Signature of the Officer Authorised to issue summons.



TIR YIMYIM YIMOBILEM (EDITORIAL)

DIMAPUR TENTONÜ, YIMPOKSÜI (NOVEMBER) 23, 2020

Asenoki memeneper

Alima aso 20 buba tetenzüklen tashi nung tashi tait kintemi tashimaitba kintem alushi rakzüka amokbangtsü merangba ajanga alima ajunga akoksatsüsa alima tongpang rara anaben tashi atalokogo aser kasa mapang nung pi bendanger kin kübok aliba tashimait aser kin tilatemia yimten nüchiso asoshi ola adok tenzükba kintem rongnung Naga kin-a densema lir. Atangji, India-a alima aso 20 buba tom ka tashi nungang British nung ket nungi yimten nüchiso angu, ajisüaka India nung yimten nüchiso asoshi raraba otsüjibo alima aso 19 buba nungi tenzükba küm noklangka shi rarar külenang anguba otsü lir. Aji oda, India yimten nüchiso angu tashi aser Naga nungertemi British yimten dangi onoka, India kübok masü, yimten balaka kümteta alitsü tim ta züluba mapang tashi yimten nüchiso asoshi raraba nukjidong aser otsüji anünglen masü, alilen akaba ali, tzü aser yangji aketba rongsentem indang dang temulung nung bilema jembiba mapang liasü. Iba jagi asenok yimten tongpang rara otsü nung ali nung aketba indang jembiba angashi aser angu dang ashi azüklen indang jembibabo mangashi aser mangu. Atangji, asen tsüraburtemi akhi nungi, 'alia aser iba intang aliba anüngjia ozü indang,' ta azüngashia jembiba o ka lir. Ibaji kodang bilemdangdir, asenok tanü putu nung alirtem dang nungibo kanga agia asen akhi tsüraburtem dak aketba shisatsü, tangatetba aser nukla tuluba liasü ta angtetter. Aji oda, asenok rongnung yimten nüchiso aser temeten indang jembidang anüngdak masü, ali nung aketba rongsentem wazüka ayutsü aser item madakji kibur küma amshitsü indang dang bilema inyaknungji, India küboksa süaka Naga nungertem nem temeten balaka agüja Nagaland akümba arla, 371 A nunga sobaliba aser ali tzü dak aketba rongsentem madak kibur küma alitsüba indang shia lir. Atangji, tanü asenoki iba kijajia asen ajangzüksüsa meyipzuka mamshitetter. Iba ama tensa tia ka nung, ano külen India den asenok yimten tebilemtsü ken o tatembang küma melemtetteti kangshir aser ano külen alima kintem tsüngda anüng aser tzüim aser mopong nung inyaktepba mapatem madak mangatettep adoka alima rara adoktsüsa amokmerentepba angashir. Iba ama mapang ka nung asenok India küboksa alitsü ser nung asenok wako aser temzüng balaka latettsüba dak sendakba maparen nung tadongi maruteti yimten telemtetba ka magitet, ano atsülanga ora, ashiko tsüraburtemi ashi ama, "sotsüa meyongshi aser yartema mereprangshi," ta Naga nung asoshi takoksaang tuluba ajurutsüa akok. Jammu & Kashmir nunga yimten nüchiso meshimeshia aser state election agipet agia aser Lok sabha aser Rajya sabha nung tatartem akhi ama shimli yokli ta lia, ajungbena state nungi yimten jenjang tuluba aküm masü saka Union Territory-ang ana kümtsüba asenoki nguogo. Parnok tia denji tanü Nagaland tia mesüktepa lir. Tangbo Nagaland nung India temzüng kübok kecha timtem melii sademsadema aser nümadangdanga election agir aser ano külen yimten nüchiso asoshi rarartem rongnung tali tali meputepba akümer. Aji oda, tangbo asenok khuret tulubaji India den angatetteptsüba masü saka asenok o asenok na tama angatetteptsüsa kümogo. Joko, asenoki angatettsüba ochi o kaji, Naga nungertemi tipdema Indian election nung shilem agi tashi aser Naga yimten nüchiso bushirtem rongnung tangatettep mali tashi, asenoki tang jembiba temeten ya mengutettsü. Joko, alima nung tangar tzü ali indang masü ita petinu nung alitsüba temeten indang jembir, idangji asenok alima tilaka nung telok aika kümer saru indang, wako indang aser temzüng indang telemtetba kati marutet jembia mongra, asenoki tangar kodanga memeneptsü. Joko, asenok nüchiso angutsü atema asen jala jabasotemi ali telong aser tema nung aliba rongsentem bushiteta amshitetsüsa tashitemetet bushitsübjiang tongtibangba kümogo. Tang ama asenok kecha memetet ser asen balaka alitsübjaji, tanü lima nungbo peisasa pei tepuokdak yur kangshir amai asütsü. Aji oda, asenok dak asensasa taküm litettsüsa tashitemetet mali tashi asenokji tangarbo tangar küboksa alitsü.

OLEMSABANG

ASEN LIMAI BONGALASHI ARUBA OTSÜ

- Tsükjem Jamir

Bongalashi ya Aor timbai alishi ta ajar, iba tetezü ya Mongseneri azüben süng tapu ka lir, iba dang alita ajar, kechiyong iba süngotu ya Bongalashi tu (leaf) mesüker asüba agi ajar südi ta bilemer. Tangar lima nungbo akhidang nungi amshia aru ta ashir. Onok lanuwa tzümar Madras nung hab (sab) kari ashiba agi akhidang Madras chuba aremi südoksenem chiyongi ao ta ashi, idangji arem nungji bongalashi ya par azüi bener arua parnok anendakji kerep kerep ta nguzüka pangnung pangnunga chia angu. Anungji chuba jagi bushia ao nung parnok anendak nungi tatsüka or south east area nungbo kanga bulua iba bongalashi tetong angu, iba teraji (root) kakteta bener arua achirba liasü. Anungji chuba jagia tanga tanüngba teraji bener arua azü amaji tazüji chiding, ano iba Madras nungba hab jagi onok dang ashibaji iba shi ya chiyongtsü tapu aika yanglur Amol mamatsü milk powder, ano tejak nung anüba powder tema yanglur ta ashi. Langpangkong nung yim kar nungbo nisung kari Bongalashi dang ni atura dang na kong liasü ta ashiba otsü lir. Ibai kari asaya menüa jembitsüba asü shitak jembirbar memetet, saka iba yagi asen limabo tesülenang aru ta sayur. Ao lima tanga tekongtem nung kong nungi ngutet ashitsü makok. Ano Langpangkong nungi yimer kadi 1969 küm Tuli nungi Bongalashi tetong sungbong tuluka metsü bener atua lema agütsü, ano iba kümsa Changtongya Town nunga tulur kari PWD Gari tulu ka sünga Tuli nungi bener atua yim temeket yimden jadena metsü tatemtsü lema agütsü ta medemer kati ashi. Langpangkong nungeri koda sür Bongalashi ta ajar ta süra tamasabo Assames nung aluyimer tembar kar den metettepa bener atua tena chia tenzük südi, saka kechiba Bongalashi ta aja ta süra Bagan kolir shirnok Bangali nung or Bongala kolir ta ajar parnokji Amguri, Haloadung nungi alu ayangi anogoshia lolena senzür asünung parnok tenüngji amshia Bongalashi ta aja südi.

KIBONG YA NÜNGTUGO YANGLUDAK LIR!!!

- S.Nuken Longkumer, Naga United, Dimapur

Ans: Alima nung kipong ya Nüngtugo tulutiba yangludak kimong lir, iba lima nung tanü nüngtugo nisungtem indang jembir ya kipong ka nungi dang adokba otzü aika lir, alima nung tanur ka tetsübok nungi arubaji kipong nungi liasü! kodang kipong telungji repringdir tasüngdangba aika arur?? Tanü alima aika lemsaogo, aser teraksa tia nung aliba angutsü, iba tensa ka nung tanü yimli raktepa chuba menden arishtiepa nüngtugo akümba mapang ajurutsü lia Ojala majurur taküm aika liaü!! Yamaji otzü bushiteper mongintemi zülutsüogo alima nung kü taküm Nüngtugo akümba mapang nung kü dak ranglokbaji koda temenungratsü liaü?? Shisadangang asen Naga lima tilaka nungi soteterem Nüngtugo liner aika liasü, item rongnung par taküm ishika shimteta tenüngsang agütsüdi!! Asen lenir P. Shilu Ao mezüng Ex.C.M, Hokishi ama, tanü tashi N. Rio Chief Minister ama adokogo!! Parnok ajak ya Ojala tanep nung amen?? Tanü Ojalai asoba Nüngtugo liner Africa lima küm 27 tashi Jail nung ayusang Nelson Mandela shibai tetsü tasoba melena par jala nem pa president mendeni atudang Naro zük agütsüba otzü asenoki meteta lir!! America lima nüngtugo president Abraham Lincoln shibai Ojala dang kodak tenyarla tenüng agütsüa liasü!! alima nung Nüngtugo taküm zünger mezüngma lir, saka 1660 küm tanü tashi 2019 tamajungtiba Nüngtugo linertemjia Ojalai aso?? Napoleion ama, Saddam Hussain ama Bin Laden ama, ano aika asenoki angutsü, parnok taküm lanuwa mapang la tepima tanep nung ajunger azüpanger amoa yok?? Alima ajunga Ojalai asoba jabaso Neil Armstrongi ita nung pa tetsüng ajemok dang Ojala nem tenüngsang agütsüogo iba sülen teyanglur Tsüngrem asangba den Laishiba lapoker azüng ta ashir?? yamaji ojala ni asoba ajanga Nüngtugo aküm!! Tsüngrem sendongji shingaia raksatsü makok ta Dr. Armstrongi shiogo?? Tanü kü taküm!! Anogoshia takar mapa inyaka anü ludaktsür sasasete akümüli wadang nung jaja yonga aor?

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Küm 1,400 jakdang Persia nungeri samatsüba Khristan jila kangutet



Küm 1,400 tejaklen Israel nung kanga azükarua aliba Khristan jila, Pi Metzuba noksa nung angur. Anüdoklen Galilee nung Pi Metzuba jila ya Aso 7buba (7th Century) tetenzüklen Persia-Byzantine tsüngda tongbang raraba mapang samaja liasü.

November 22, 2020: Küm 1,400 tejaklen Israel nung kanga azükarua aliba Khristan jila ka liasü, saka iba jilaji Persia nunger sepaitemi samatsü; iba jilaji northern Israel nung ngutetogo, ta archaeologist temi metetdaksü.

Anüdoklen Galilee nung aliba Pi Metzuba jilaji Aso 7buba (7th Century) tetenzüklen Persia nungeri Byzantine yimli den raraba mapang nung samaja liasü.

Iba jila nungji kiojen ka nung Khristan temaitsütem den naro, shiruru aser nisung noksatem liasü.

Israel-Lebanon arrtsülen Shlomi aser Kibbutz Hanita jila na tsüngda gari lenmang ulushia mapa inyakba mapang nung küm 1,400 tejaklen Byzantine nunger Khristan jila Pi Metzuba ngutet, ta Israel Antiquities Authority (IAA)-i metetdaksü.

Ali tua bushisüngdangbaji 2007 küm tenzüka liasü saka Byzantine nunger jila nung ngutetbatemji shisadangtsü aser bushisüngdangtsü atema küm aika agia liasü, ta IAA nungi archaeologist tongti, Gilad Cinamon-i metetdaksü.

Iba tesemji taoba mapang archaeological surveys nung densema mali aser taoba mapang nung junga

bushisüngdang mesüi liasü. Research agirtemi iba jilaji Pi Metzuba asütsü ta amanger. Galilee nung Aso 4-5buba mapang nung Yihuda nunger ozüng kaket Jerusalem Talmud nung iba jilaji tetshia lir.

Jerusalem Talmud list nung Pi Metzuba ya anüdoklen Galilee nung aliba jilatam rongnung densema lir, aser ibaji Israel nunger litsü shilem ka ama mezüngshi.

Archaeologist temisa Byzantine mapang nung Khristantemi kishi nung yangluba Kangki, ali chipo aser anogo aben amshiba opsettem aika ngutet.

"Tang tashi nungbo iba jila dak sendakba nung onok ket nung Khristantem indang documents mali, ajisüaka iba jila nungi ngutetba oset ajakji ajanga akhidang iba jila nungji Khristantem aliba kuli sayur," ta Gilad Cinamon-isa metetdaksü.

Pi Metzuba jilaji kanga tulu liasü aser iba jilaji ali acre 12 nung amenoka lir, ta pai ashi.

Tang tashi nungbo iba jila tesem tila ka nung ang ali tua b u s h i s ü n g d a n g o g o . Archaeologist temisa yongmen in agi yangluba Kangkitem aser kishi nung Kangkitem noksa ngutet.

"Takdang ka nung noksa tulu alibaji ajanga mapang ka

nungbo iba kidangji kanga takar kibong ka aliba jangjar. Takdang nung noksaji tasazükji süklep 16x16 (16 by 16 feet) shi liasü," ta pai metetdaksü.

Byzantine yimli aser Sassanian Persia na tsüngda 602 nungi 628 küm tashi mapang talangka tongbang raraa liasü, aser 613 küm nungi Persia nungeri Galilee aser Temeshi li na atsünga agi.

Tesülen Byzantines nungeri tsükchirtem akok aser Levant nung parnok litsü tanaben agi, ajisüaka mapang talangka tongbang raraba agi yimli anapronglai takoksa kanga angu aser Arabia nung Islamic Caliphate merena aküm. Küm ishika lir 630s mapang nung Islamic Caliphate-i Levant amak tenzüka liasü.

Pi Metzuba samatsüba indang osang tejangja mebushiteter, kechiyong Persia nungeri iba jilaji amakba sülen jila nungji nisungtem mapang tatsüka dang liasü, ajisüaka Byzantine-Persia rara mapang nung iba jilaji kanga mejungi raksatsü, ta Cinamon-i metetdaksü.

Galilee kija nung Byzantine nunger tesem 140 shi nung amenoka liasü saka Persia nungeri amakba mapang nung tesem 60 shi dang raksatsü, ta paisa metetdaksü.

Khristan lenir anati Africa nung Khristantem tepsetba indang kaket ka saya

November 20, 2020: Global social action agenda, Simon Wiesenthal Center Director, Rabbi Abraham Cooper aser U.S. Commission on International Religious Freedom (USCIRF) nung Commissioner den Congress of Christian Leaders Tir, Rev. Johnnie Moore nati Africa tesem ajungalen kiralongrartem aser telungpurtemi Khristantem jenti tepsetba indang kaket ka sayaogo, ta International

Christian Concern osang ajanga metetdaksü.

Kiralongrar telok aser telungpur telok aika zünba ajanga Africa nung Jihadi-i timtem tulu agütsütsü, ta Khristan lenir anati metetdaksü.

Abraham Cooper aser Rev. Johnnie Moore nati Africa tesem balala sema senzüba sülen adokba kaket tenüngji "The Next Jihad: Stop the Christian Genocide in Africa" lir.

Tenati rara ajanga takoksa angur Khristantem aser Islamic kiralongrar/telungpur ajanga timtem ajuruba Khristantem aika ajurua jembia liasü.

Middlebelt aser Northeast Nigeria nung tesempa agi Khristantem jenti tepsetogo. Islamic kiralongrartem timtem agütsüba Khristantemji Nigeria nung dang masü saka Mali, Somalia, DRC, Mozambique, Niger aser Burkina Faso nunga Khristantem kanga timtemdar.

ANO GO ABEN TSÜNGREM DEN

Tamang nung nokdakba taküm

"Onok nenok tamang madak Kibur masü, saka onok nenok tepela asoshi teyaritepertem lir. Kechiaser tamang ka agi nenoki akang akanga nokdaker" 2 Kor. 1:24

Tsüngrem O-i ashir, nisung shia pei tamang aser mapa agi tendangtsü. Asenoki, Tsüngrem den tamang nung koda alitsü kuli kar reprangti; Alima nung tongpang aika lir, saka item ajakji meimchir atema tajung masü. Koba agi jungdaksür, longjemdaksür, putepdaksür, terenlok adokdaksür. Ibala tongpangji tajung lir. Efesa 6:10-16. Paul ama anogo shia Khrista tenüng nung tongpang tajung raratsü nüngdaker.

Khristan tenüng nung tongpang tajung raratsü nüngdaker.

Khristan taküm ya asemteper den kasa lir. Iba asemtepeba nung tazüokba nung timi asemtsü nüngdaker. 2 Tim 2:5, Tsüngrem taochi ajanga dang asen alizüng atongtsü. Alima mapa süshia, tanela mapa süshia, pai mulungba nung jajara asen alizüngji atongtsü. Asenok alizüng matongtsüsa lira koda? Alizüng tongtetba taküm ka asütsüsa asenoki Tsüngrem den tembar südi.

Ano Khristan taküm ka asoshi tamang ya kanga tongtipang lir. Tamang aika nung dang, "Tamajungba meyong mi aketba lijakjang sepdaaksütsü". (Efesa 6:16). Alima ain aser tashi koba Tsüngrem anema lir, obaji tamangi akoktsüsa, asen tamang nung tashi itda alitsüla.

Sarasadem

Takoksang Tsüngrem! Anogo shia ne dak rangloktsü aser tamang nung jajatsü onok nem ne tangtetba agüjang. Amen

Mozambique nung Khristantem tepsetba sülen aika jenogo



Maputo (Mozambique), November 22 (Agencies): Mozambique nung Islamic kiralongrartem Khristan aika tekolak tangzüka tepsetba sülen Khristan timba ser nisung meyrjang aikati item tesemji toktsür ajener, ta osang ka ajanga metetdaksü.

Tawa Mozambique kübok Cabo Delgado province nung Islamic State kiralongrar teloktemi Khristan 50 dak tema tekolak tangzüka tepsetba osang police-i metetdakja liasü.

"Nisungtemji tepsetba sülen temang shilem aika küma lepsar yangku nung inoker süngdong nung mesanga ayu. Onok meyipa aruba mapang nung yangkhu aika süngdong nung sangzüa sendaka aliba onoki angu," ta yimdaklir kati metetdaksü.

Barnabas Fund osang ajanga ashiba agi, November 6-8

anogotem nung kiralongrartem Cabo Delgado province kübok yimtsüng aika amak.

Muatide yimdak moapu ka nung nisung 50 dak tema tekolak tangzüka tepset, ta Khristantemi metetdaksü.

Nanjaba yimdak kiralongrartem jagi "Allahu Akbar" ('Allah tematiba') ta ayimdena yim telungi aitba sülen yimdaklirtem aika tekolak tangzüka, ki rongdoktsü aser tetsürtem puer ao.

2017 küm nungi tenzüka Muslim nütsüng timba aliba Cabo Delgado province nung nisung 2,000 shi tepsetogo aser nisung 430,000 dak tem talidak makai kümogo.

Khristantem dang masü saka Islamist Jihad tangatetba magizükteter Muslim nungera takoksa angur, ta Aid workers-i metetdaksü.

Tawa Khristantem aika tepsetba sülen yimdak nungi aika Khristan mission stations mesüra asetkong balalai jena ogo, aser kar rong ajanga kilometer 100 pilar aliba Pembai jena ogo, ta Barnabas Fund osang ajangasa metetdaksü.

Iba dak sendakba nung Barnabas Fund-i Khristantem dang parnok atema sarasademjang aser tenla agüjang, ta mepishia metetdaksü.

OLONG PAITEP # 5648

| | | | | | | | | | | |
|----|--|----|--|----|--|----|---|----|--|---|
| 1 | | | | 2 | | | | 3 | | 4 |
| 5 | | 6 | | | | | | | | |
| | | | | | | | 7 | | | |
| 8 | | | | | | | | | | |
| | | | | | | | | | | 9 |
| | | 10 | | | | 11 | | | | |
| | | | | | | | | | | |
| | | | | 12 | | | | 13 | | |
| 14 | | | | | | | | | | |
| | | | | | | 15 | | | | |
| 16 | | | | | | | | | | |

- | | | | |
|------------------------------|-------|-------------------------|-------|
| TIPILEN | | LANGTSÜNGLEN | |
| 2. Auo nung chiyongsü asenba | - (7) | 1. Lenmang | - (7) |
| 5. Mangyimba mapang | - (5) | 2. Aor kidong ka tenüng | - (6) |
| 7. O tamendakdak | - (4) | 3. Tenarong maten | - (6) |
| 8. Pei dak malangba | - (7) | 4. A _ _ _ g | - (3) |
| 10. Juli | - (7) | 6. Mopung apodoka | - (3) |
| 12. Sen ayudak | - (7) | ola adokdaksüba | - (3) |
| 14. Tenük agi ajitet | - (4) | 9. Tongtipang tagitsü | - (7) |
| 15. Tamajung aküm | - (5) | 10. Menungra bilem | - (6) |
| 16. Apuso | - (7) | 11. Aiür | - (6) |
| | | 13. S _ _ _ k | - (3) |
| | | 14. T _ _ _ r | - (3) |

OLONG PAITEP # 5647 TELANGZÜBA

- | | |
|-----------------------------------|---|
| TIPILEN : | LANGTSÜNGLEN : |
| 1. Yiar, 3. Tesola, 7. Yimra, | 1. Yimti, 2. Amen, 4. Shiner, 5. Alaka, |
| 8. Tangar, 9. Peria, 10. Tanur, | 6. Satan, 9. Putet, 10. Tembar, |
| 11. Tasen, 13. Lemjem, 15. Tambu, | 11. Tatok, 12. Amang, 14. Jala. |
| 16. Khuret, 17. Sang. | |



TANÜBO NAI LANGZÜANG

Q. State kobai sensaker kibong aser public institution tem nung angati internet agütsür?
 A.Karnataka B.Kerala C.Meghalaya D.Assam
 _____ (Taruba adok nung onoki langzüsü)
YASHI ADOK TELANGZÜBA : Defence

NAI-A YA METETTER MA?



Küm ka nung Latin Grammy nomination timtiba anguba atema Colombia nunger nüngtugu artist J Balvin-i Guinness World Records title ka ajangzüketogo. Taküm September tetenzüklen, 21buba Annual Latin GRAMMY® Awards atema nominee tenüngtem sangdongba mapang, "Colores y Oasis" kensep atema J Balvin-i nomination 13 tashi angu aser pai iba kensep ya Bad Bunny den longjemer yangluogo.

SUDOKU # 5689

| | | | | | | | | | | | | | | | | | |
|---|---|---|---|---|---|---|---|---|---|---|---|---|---|---|---|---|---|
| | 6 | 1 | | 7 | 3 | 2 | 4 | | 9 | 4 | 6 | 2 | 1 | 7 | 8 | 3 | 5 |
| 3 | | | | 8 | | 6 | | 1 | 2 | 8 | 7 | 5 | 3 | 6 | 1 | 4 | 9 |
| | | | | 9 | 1 | | 6 | | 5 | 1 | 3 | 4 | 9 | 8 | 6 | 7 | 2 |
| | 4 | 5 | 7 | | | 3 | | 8 | 6 | 3 | 5 | 7 | 8 | 9 | 4 | 2 | 1 |
| | 8 | 3 | 6 | | | | 9 | 7 | 7 | 2 | 4 | 1 | 5 | 3 | 9 | 8 | 6 |
| | 1 | 9 | | 2 | 8 | | | | 8 | 9 | 1 | 6 | 2 | 4 | 7 | 5 | 3 |
| | | 6 | | | | 9 | | | 4 | 7 | 9 | 3 | 6 | 2 | 5 | 1 | 8 |
| 9 | | 8 | | | | 7 | | 6 | 3 | 5 | 8 | 9 | 7 | 1 | 2 | 6 | 4 |
| | 3 | 7 | 1 | 6 | 9 | 8 | 5 | | 1 | 6 | 2 | 8 | 4 | 5 | 3 | 9 | 7 |

TELANGZUBA # 5688

OJANG LUTEP # 5236

- LATIKA :
- NGDA :
- JIAAYOSÜNG :
- NIASE :
- MNGSOLUOA :
- ÜJAAG :
- IRYARA :
- AJIBI :
- SÜMOATET :
- NGDA :

OJANG LUTEP TELANGZÜBA # 5235

LOKTI TEJAKLENI ANITSÜ ASOSHI LENNIR ASALENTONG ASER INYAKYIM KANGA TONGTIBANG

TAN HOPTA ATEMA - KOMA SÜLA ?

Q. Arogo shiai taküm 2020 Christmas amongtsüba sen agi pei anasa aliba government mozü kidang nüngdak mapa kar inyaksü nunga koma süla ?



Bikaner, November 22, 2020: Rajasthan kubok district 21 nung Panchayat Samiti aser Zila Parishad members election agitsü atema polling officer tem Bikaner nungi apusoa aoba noksa nung angur.

Nov. 25 nü yipru tesashi agi Tamil Nadu aser Puducherry kongshitsü

Chennai (Tamil Nadu), November 22 (Agencies): Bay of Bengal nung low pressure area ka kümtetogo, aser ibaji yipru mopung tesashi ka akümbe sülen November 25 nü Tamil Nadu aser Puducherry tzüymkümlen süitsü, aser ibaji ajanga tzünglu sashia arutsü, ta Amongnü Met department-i metetdaksü.

Yipru tesashi ajanga November 25 nü Tamil Nadu, Puducherry aser Karikkal regions aika nung tzünglu sashia arutsüa akok, ta Met-isa metetdaksü.

"Tzüyim nung tzüsem tulu alitsü aser Amongnü nungi tenzüka southwest Bay of Bengal aser Tamil Nadu o Puducherry tzüymkümlen

mopungji ghonda ka nung kilometer 100 tekara asütsü aser November 25 nü mopung jagi tzüymkümlen atongtsü," ta sangdong nung shia lir.

Angopurtem dang tzüyimi maotsü tekümdangtsü metetdaksüogo, iba denji külemi angopui tzüyimi oor alirtem danga meyipa arung ta tuyuogo, ta ketdangsertemi metetdaksü.

November 23 nungi south peninsular India nung tzünglu arutsü aser November 25-26 anogotem nung Tamil Nadu, Puducherry aser Karikkal regions nung tzünglu sashia arutsü.

"Bay of Bengal nung low pressure area ka kümtetogo, taruba ghonda 24 tsüngda ano tesashiba akümtsü, iba sülen

ghonda 24 tsüngda yipru mopung ano tesashiba akümtsü," ta Met Department bulletin ajanga metetdaksü.

Yipru mopungji northwestwards tsütsüeleni aoba sülen November 25 anüngdang/nikongdang Karaikal aser Mahabalipuram tsüngda Tamil Nadu aser Puducherry tzüymkümlen süitsü, ta kasa osang ajanga metetdaksü.

Iba yipru ajanga Tamil Nadu, Puducherry aser Karikkal regions nungdang masü saka Andhra Pradesh tzüymkümlen, Rayalaseema aser Telangana nunga November 25 nungi November 26 tashi tzünglu arutsüa akok, ta parnokisa metetdaksü.

World War II sülenbo Covid ya tayongzükba tulutiba: PM Modi

New Delhi, November 22 (Agencies): G20 senden nung Ato kilonser, Narendra Modi-i, alima nung coronavirus wara anenba sülen global index tasenbajibo sempet, technology, teladak aser senotsü ketdangsüba nung ajemdaker asadangtsüla, ta ashi.

Ato kilonser, Modi-isa, meimchir putiotsü nung coronavirus wara ya temelenshi atema tongtibang mapang ka lir aser World War II sülenbo alima atema tayongzükba tulutibaji Coronavirus ya asütsü, ta metetdaksü.

Coronavirus wara anenba sülenbo tesem mashie ka nungi mapa inyakba ya yimya ka kümadoktsü, ta shia Modi-i virtual G20 secretariat ka amenoktsü benok.

Saudi Arabia Chuba, Salman-i Group of 20 Summit tenzüka liasü. 2022 küm India

nung G20 senden ayongzüksü. Narendra Modi-i twitter ajanga, "G20 lenirtem den tajangzük kaa o lemtepogo. Alima nung rongsenkettsüng tulu aliba linüktem amalitepa inyakba ajanga iba wara ajanga raksatsüba rongsenkettsüng jenjang tekeraba nung asentenshitsu. Senden ayonga agiba atema Saudi Arabia dang pelar," ta metetdaksü.

G20 summit nung züngsem linük 19 den European Union nungi tongti lenirtem aser tanga linüktem den International tentettem nungi lenirtemi shilem agia liasü.

G20 züngsem linüktemji-Argentina, Australia, Brazil, Canada, China, France, Germany, India, Indonesia, Italy, Japan, Republic of Korea, Mexico, Russia, Saudi Arabia, South Africa, Turkey, United Kingdom, United States aser European Union lir.



Lucknow, November 22, 2020: Amongnü Lucknow nung aliba Samajwadi Party headquarters nung SP lenirtemi party tentetsang, Mulayam Singh Yadav arrshi küm 82 ajungba anogomong nung benjungtepba noksa nung angur.

Lok Sabha election nung rangloker BJP Tiri linük tesem ajak sema senzütsü

New Delhi, November 22 (Agencies): 2024 küm Lok Sabha election nung rangloker BJP National Tir, J P Nadda-i anogo 120 tashi linük tesem balala sema senzütsü, talisa taoba Lok Sabha election nung party jenjang majungba tesemtem nung rangloker inyaktsü.

BJP general secretary, Arun Singh-i, December ita mezüngbuba hopta nungi tenzüka Nadda-i Uttarakhand state tama semdangtsü, ta metetdaksü.

Singh-isa, BJP Tiri state ajak semdangtsü, booth units nung tongti lenirtem den senden amentsü, party MP aser MLA ajak ajurutsü, aser state shia nung district Tirtem densema lenirtem ajurutsü, ta metetdaksü.

Nadda-i state balala semdangba mapang nung 2019 küm Lok Sabha election nung BJP-i takok manguba constituency balala aser regions balala semdanga lenirtem den o lemtepa asalentong yanglutsü, ta Singh-i metetdaksü.

Nadda-isa assembly election agitsü aliba state tem- West Bengal, Kerala, Tamil Nadu aser Assam nung election atema party terenemshiba asadanga den külemi BJP den loktepa aliba party balala nungi lenirtem ajurutsü, ta Singh-i metetdaksü.

Taoba BJP Tir, Amit Shah-ia pa kümsük mapang nung linük tesem balala sema senzü aser state aika nung BJP-i jenjang junga ngutetba nung pai tongtibang shilem agia lir, ta party-i züngshir.

Delhi nung tesüiba küm 17 tsüngda Nov. ita nung yashi temekongtiba liasü

New Delhi, November 22 (Agencies): Amongnü (November 22) Delhi nung minimum temperature 6.9 degrees Celsius liasü, aser ibaji 2003 küm nungi tenzüka tesüiba küm 17 tsüngda Delhi nung November ita nung temekongtiba anogo liasü.

Taoba hopta (November 20) linük yimtiba, Delhi nung minimum temperature 7.5 degrees Celsius liasü, ta India Meteorological Department (IMD)-i metetdaksü.

IMD regional forecasting centre nung tongti, Kuldeep Srivastava-i, "Safdarjung Observatory-i yimti atema data

asadanger aser November 22 nü minimum temperature ji 6.9 degrees Celsius liasü. Ibai 2003 küm nungi tenzüka November ita Delhi nung temekongtiba lir. 2003 küm November ita nung minimum temperature 6.1 degrees Celsius liasü," ta metetdaksü.

Yaküm Delhi nung November ita nung tajemtiba minimum temperature ji 11.5 degrees Celsius liasü, 2018 küm 10.5 degrees Celsius liasü aser 2017 küm 7.6 degrees Celsius liasü.

Delhi nung November ita nung tajemtiba minimum temperature ji 1938 küm November 28 nü 3.9 degrees Celsius liasü.

India nung Covid-19 case lakh 90.95 jungogo

New Delhi, November 22 (Agencies): India nung ano nisung 45,209 dak coronavirus tashidak putetba sülen linük nung coronavirus case ajak agibo lakh 90.95 jungogo, aser iba nungjagi nisung 85,21,617 anepogo, ta Amongnü Union health ministry data ajanga metetdaksü.

Linük nung ano coronavirus tashidak agi nisung 501 süogo, aser iba tashidak agi asür ajak agibo 1,33,227 jungogo, ta Amongnü anepdang 8:00 ako nung Health Ministry-i

metetdaksü. Iba tashidak agi shiranger ajak agi 85,21,617 anepogo (shilem 93.69) aser iba tashidak agi shiranger asüba shilembo 1.46 dang kümogo.

Tang linük nung coronavirus agi teshirangdakpur 4,40,962 lir, aser ibaji coronavirus caseload nungi shilem 4.85 dang lir.

November 21, 2020 tashi nung samples crore 13.17 dak tema tendangogo, aser iba nungji Honibarnü samples 10,75,326 tendangba densema lir, ta ICMR-i metetdaksü.



Kolkata, November 22, 2020: Amongnü Kolkata nung Scheduled Caste, Scheduled Tribe aser other backward classes (OBCs) tem backward classes welfare department nung pei temeden meshitsü atema certification camp ka kima tarensena nokdaka aliba noksa nung angur.

Trump-i Pennsylvania court nung takok mongutet

Washington, Yimpoksüi/ Nov. 22 (Agencies): Pennsylvania nung ken o benoka aliba nung nukjidong metongtetba sülen Tir Donald Trump dang külem Republican telok nungi züngsem temi US tir election melenshitsü merangba anena Democrat Joe Biden-i takok anguba agizüktetang, ta ajungshir.

Hopta ana tejakdang Biden-i iba election nung takok nguogo ta sangdonga lir asünung, state balalai vote agütsüba atema kuli agütsütsü aliba nungi nokdangtsü mechi Trump-i ken o balala benoka maparen balala inyaka arur.

Tang tashinung iba kuli agütsütsü aliba nokdangtsü merangba atema Georgia, Michigan aser Arizona nung aliba court tem nung takok nguteta mali.

Kasaji Pennsylvania nunga merangdang, saka taoba Tir Barack Obama-i shimtetba

Republican federal judge, Matthew Brann-i Honibarnü magizük aser iba ken o nung kuli tejanga monguteter, ta ashi.

White House nung Trump alitsü atema Pennsylvania nung Biden-i pa dang vote 81,000 agi timba nguteta aliba ya samatsü nung dang pa teimla tera lir. Iba state nung election result tem Hombarnü tejanga sangdongtsü lir.

Trump indang okatsür temi tekeratiba nung ano mepishitsü, ta nangzük saka court nung pa anemertemi mapang süyio, ta ashir.

"Iba ya ajanga Tir Trump-i 2020 election indang melenshitsü meranga federal court amshitsü merangba nung tasakba akumtsü," ta Lawyers' Committee for Civil Rights Under Law tir Kristen Clarke-i ashi.

Congress nunga Trump'er külem Republican kar tangatetba balala akumer.

Iba obendang ajanga Pennsylvania nung takok angutsü maangka ajunga shibangogo, ta Republican Senator Pat Toomey-i ashi aser Trump dang election nung takok manguba agizüktetang, ta ashi.

House of Representative nung Republican lenirtem rongnung züngsem, Liz Cheney-ia Trump dang court nung takok mongutetra asen election inyakyim tasüngtet akhumtsütsüla, ta shia lir.

November 3 election nung Biden-i Trump dang vote million 6 agi timba nguteta lir aser state-by-state Electoral College system nunga 306-232 agi pa temaba lir, aser ibaji ajanga January 20 nü shibai tir mapa atema tezüngzüktep agitsü, ibaji sayuteter.

Biden ya tir indang office agizüktü atema hopta ishika renemshia arur, ajisüaka Trump indang administration ajanga

item mapa inyaksü atema senotsü teyari aser security clearance agütsütsü memolunger.

Trump-i tamakok agizüktü memolungba ajanga national security aser coronavirus anema raraba nung timtem ajurutsü, ta aikati ashir. COVID-19 tashidak ajanga America nunger nisung 255,000 jungnüa taküm samatsüogo.

Maneni US tir inyaksü atema Trump-i tajemtiba agi state tulu asem indang election result melenshitsütsü nüngdaker, koba US puti otsü nung kodanga matalokdang.

Georgia nung vote tanaben züngshiba nung Biden-isa takok angu aser ketdangsertemi Hokulbar nem iba kuli agütsüogo. Trump indang campaign ajanga ano danga state ka nung züngshitsü mepishidangtsü, ta Honibarnü menur ashi.

Wisconsin nung Trump volunteer temi shilem kar meilongi azüngba atema election ketdangser temi aitsür, ajisüaka yangjia Biden-i takok ngua aliba melenshitsütsü teimla mali.

Vote züngshiba aser ken o benokba nung nukjidong metongteteter asünung Trump-i Republican züngsem timba sür aliba state legislature tem dang vote ajunga indoker pa takoker

ta sangdongang, ta takhangba agütsür.

Pennsylvania obendang agütsüba sülen, "Asen Election aser United States of America indang ochi tangatetba aser telungjem wazüka ayutsü mechi Courts aser/mesüra Legislatures ajanga kechi inyaksü tim, aji inyaksü tasü aittsü amanger," ta Trump-i Twitter nung zülutsü.

Hokulbarnü pai Michigan indang legislature nung Republican lenir ana White House-i jaoka liasü. Iba senden amenba sülen parnoki shilem agitsüba kuli kecha mongutet, ta parnoki ashi. Michigan nung Trump dang vote 154,000 agi Biden temaba lir.

Linük tesem ajungalen election ketdangser temi vote agütsüba nung ashikülak mapa inyakba kuli mali, ta ashir aser Trump'er administration-ia iba election ya America nungi puti otsü nung tajungtiba agiba lir, ta shia lir.

Ajisüaka Trump-i tanen makai tai tongloktsüba ajanga Republican busemer timba aliba tesemtem nung milak jangrudaktsür. Republican busemer tesadang kati election ya Trump dak nungi auya, ta amanger, ta Reuters/Ipsos polling nung ashir, aser iba election osang anema pa busemer temi linük tesem balala nung rally ayonga agia arur.

Pompeo-i Taliban & Afghan tenü nung sensaksemertem den ajurutep

Washington, Yimpoksüi/ November 22 (Agencies): US Secretary of State Mike Pompeo-i Afghan sorkar aser Taliban tenü nung sensaksemrtem den Doha nung ajurutepogo. Telok ana tsüngda sensaksem bangdaker aliba aser Afghanistan nung azütokshi tali akümba mapang ka nung tang pai telok ana nungi lenirtem den ajurutepogo.

US-i tawa Afghanistan aser Iraq nung taruba küm January 15 nü tashi nungbo sepai 2,500 dang toktsütsü ta ashiba sülen tang mezüngbuba America nunger rongnungi temaba jenjang nung aliba lenir kati Taliban aser Afghan lenirtem den ajurutepogo.

Afghanistan nung tang US sepai 4,500 dak tema lir.

"Taliban aser Islamic Republic of Afghanistan

tenü nung sensak asemertem den Doha nung ajurutepogo.

Telok anapronglai maneni sensak asema aser tang tashi nung parnoki ajanteter alibatem atema ni tenüngsang agütsüogo. Ni yimden yimsüsüba tsütsü tangatetep ka dangi arutsü atema sensaksem takaratiba nung agitsü aser teti asoshi rara anentsü ajungshia liasü," ta Pompeo-i ashi.

Pompeo-i, Honibarnü Taliban Political Deputy aser Head of the Political Office Mullah Beradar aser Taliban tenü nung sensak asemertem den ajurutepogo, ta State Department Principal Deputy otongdar Cale Brown-i ashi.

"Pompeo aser Taliba tenü nung sensak asemertem tsüngda azütokshi

tajemba kümdaktsütsü atema sensaksemogo aser pai yimden yimsüsüba tsütsü tangatetep ka dangi arutsü atema sensaksem takaratiba nung agitsü aser teti asoshi rara anentsü ajungshia liasü," ta Brown-i ashi.

Pompeo-isa, küm lir tashi azü tokshiba sülen Afghanistan nungertem yimjung nung alitsü temsüa lir aser parnoki aji imlar, ta ashi. US Secretary of State-isa Qatari Foreign Minister Al Thani den Doha nung ajurutepa linük ana tesendaktep aser regional ken o dak sendakba nung sensaksemogo, ta paisa shisem. "Qatar-i Afghan peace negotiations pusemba atema onoki kanga pelar. Iba tesem nung Iran azüoktsü atema Gulf linüktem longjemer alitsü kanga tongtibang," ta Pompeo-i tweet asü.

South Korea nung Bar tem shibangtsütsü

Seoul, Yimpoksüi/ November 22 (Agencies): South Korea yimtiba aser yimti temeket nung aliba tesemtem nung coronavirus tashidak azüoktsü atema bar aser nightclub tem shibangtsütsü, tamangba yimsüdak sendakba nung lokti senden tajemba kümdaktsütsü aser restaurant tem nunga inyaksangshi tajemba kümdaktsütsü, ta health minister-i Deobarnü ashi.

Korea Disease Control and Prevention Agency (KDCA)-i Honibarnü ayaterem tashi nung nisung 330 dak coronavirus tashidak potetba metetdaksüogo, koba anogo ka tejakdang nisung 386 dak tashidak potetba sangdonger liasü. Korea nung anogo pongububa atonga nisung 300 tema dak tashidak potetogo.

"COVID-19 tasembuba wave menokdangteti odar. Iba tensa ka kanga lendong aser tetsübutsüka lir," ta Health Minister Park Neung-hoo-i ashi.

Linük yimtiba Seoul metropolitan area nung tashidak kanga kara menatepyonga odar, ta pai ashi. Iba tesem nung linük nütsünyongsük million 52 nungi tesadangkabo alir.

Mongolbarnü tashi nung Seoul temeket nung coffee dokan tongtitem nung takeaway aser delivery service dang agütsütsü aser restaurants tem nunga aonung 9:00 ako sülen chiyonga kazütsü memelatsü. Tenokdangbatem ya gym, asayamung balala aser tamangbayimsü dak sendakba nung lokti adenshiba nunga agütsüogo.

Ato Kilonser Chung Sye-kyun-i sorkar senden ka nung ashiba agi, tashidak prokshia aoba azüoktsü atema inyaksangshi nung tetsüngda ita inyaksangshitsü atema tetuyuba ka agütsütsü nüngdaka akümtsü akok, ta Yonhap news agency sangdong ka ajanga metetdaksü.

"Asenok tang tatentep mapang ka nung lir aser linük ajunga nung nisung timba dak tashidak poteta odar," ta Chung-i ashi.

Honibarnü KDCA ketdangsertemi ashiba agi, tang tashidak menatepyonga aoba menokdangtetra mezüngbuba aser tanabuba wave dang nungi tasembuba yagi ajatetsü akok. December 3 nü competitive annual college entrance exam nung kaketshirtem shilem agidaktsütsü nukjidong yur iba tenokdangba agütsüogo.



Tripoli, Libya anasa Omar Al-Mokhtar training center nung November 21, 2020 nü graduation day alidang UN-i busemba Libya mitkartem tsüngkang medema jajaba mapang tangokba noksa nung angur. Turkey ajanga training agütsüba special military forces telok mezüngbuba graduate süogo, ta UN-i busemba Libya sorkari Honibarnü sangdonga liasü.

Madonna den ken ka yangluner: Kylie Minogue



Jembiba ama iba maparen asangsang nung atalokra, ni kanga pelatsü. Mapang shia ni Madonna nungi tenzükur Whitney Houston, Cyndi Lauper, Fleetwood Mac, ABBA aser Donna Summer nunger ken menungra aiter," ta lai ashi.

November ita tetenzüklen, Kylie-i la indang kensep tasen 'Disco' sayaogo, saka lai ano kensep tasen ka yanglutsü asoshi lemtet.

Kylie-i ashiba agi, coronavirus sushia maoba aser senzisenbongtsü dak sendakba nung tetsükdaksü ajuruba ajanga record tasen atema maparen metenzükten.

"Iba kensep koba yimya nung yanglutar ni ano junga melemtet, saka record tasen ka atema tanaben kenjangtem zülutsü bilemdar. Tetsükdaksü jenti liaka, music zülutsü jangrar asünung, kidang item maparen (ken zülutsü aser recording session) achaayanga inyaksü asoshi anepalutsü sentong lir. Ni kechi komaka tenzükjar memetet, saka kü dak tejangraba ka lir," ta taruba kensep atema jembiba mapang, Kylie-i ELLE.com dang ashi.

Yimpoksüi/November 22, 2020 (Agencies): Madonna den ken ka (duet) record asütsü maongka ngura jangratemtsüka asütsü, ta Kylie Minogue-i lemsatep.

Arishi küm 52 tain pop star Kylie-i, 'Frozen' ken atenla Idina Menzel, Dua Lipa, Lady GaGa aser Miley Cyrus nunger den ken yanglutsü jangrar ta ashi.

"Tetsür artist balala den

longjemer ken atentsü asoshi ni yongyar, kechiyong ken record yanglua aruba mapang, ni iba maparen kodanga meinyakdang. Tawa tanü kentener tajung talisa Dua, Lady Gaga aser Miley Cyrus nunger den ken tener aser parnok ken atenba yimya ni kanga sapor," ta Kylie-i ashi.

"Madonna de duet ken ka yanglutsü asoshi jembiba aruogo.

July 2021 nungi Black Panther sequel tangok tenzüktsü

New York, Yimpoksüi/November 22, 2020 (Agencies): MCU film Black Panther indang sequel ka taruba küm July ita Atlanta nung tangoktsü.

Taküm, film nung tongti shilem agisang Chadwick Boseman (Black Panther) ajungben süadokba ajanga iba sequel tangoktsü maparen khen anena ata aser March 2021 nungang maparen tenzüktsü renemer liasü, ta Hollywood Reporter ajanga metetdaksü.

Tang, otongdar sangdong balala ajanga angazükba agi, Marvel-i iba sequel tangoktsü

renemdar, koba Atlanta yimti nung July 2021' nungi tenzüktsü aser ita trok nung iba maparen renemtsü sentong lir.

Sequel nung Mexico nunger actor Tenoch Huerta nem nisung tamajung shilem agidaksütsü jembishinüdar. Kasa mapang Letitia Wright, Lupita Nyong'o, Winston Duke aser Angela Bassett nungeri taoba film ama pei tata shilem agitsü. Sangdong balala ajanga angazükba agi, iba sequel nung Wright indang character Shuri shilem tongtibangba asütsü.

Ano külen, asür Boseman indang character melentsü

atema osang tejangja metetdakja mali aser Boseman medeni iba project inyak tenzüktsü asoshi studio-ia parnok sentong memetetdaksü. Ajisüaka, iba film nung pai shilem agir ama sayutsü atema studio-i CGI mamshitsü ta shiogo.

2018 küm sayaba Black Panther film nung, Boseman-i iba character (Black Panther/T'Challa) shilem agir sülen alimai pa tali jangjaa aküm. 2016 küm pa dak stage III colon cancer putet. Taküm August ita, Boseman ya pa alidak Los Angeles nung asü.

BTS-i 'BE,' A 'Letter Of Hope' kensep sayaa

Seoul, Yimpoksüi/November 22, 2020 (Agencies): Hokolbarnü (20.11.2020) K-pop band BTS-i kanga dang yongya ataba kensep tasen, 'BE,' A 'Letter Of Hope' sayaba sangdongogo.

Taküm BTS-i kensep tanabuba - BE sayatsü atema Seoul yimti kübok news conference ka nung parnok ajak pilatepa mener shilem agia liasü. Iba kensep nung band indang nungtugu English ken Dynamite dena lir. Iba ken ajanga Billboard Hot 100 chart temaba tongteta lisaü, koba South Korea kentener telok atema iba alizüing tongtetba ya mezüing alitsü.

Iba conference metenzükdang Seoul nung journalist aika anaben tashi temperature tendang, health registry agi aser temang nung mesen asütsü mozützü raklokja



liasü. Ajisüaka, Band nungi Suga tapubang yirur aliba ajanga, pai külem telok den news conference nung shilem megitet.

Band nung J-Hope, RM, Suga, Jungkook, V, Jin aser Jimin nungeri ashiba agi, tang ama COVID-19 mapang ka nung, nüburttem nem teimla ka agütsütsü mechi iba kensep

yanglutsü lemtet.

2013 küm BTS band ya tenzük aser alima tesem ajungalen fans jenti atsüa aruba den taküm U.N. General Assembly nung video ka lemsatepa, alima nung tebur band rongnung par telok tulutiba kümogo. Twitter sabang nunga BTS follower million 30.8 dak tema lir.

"AO PIONEERS TAKÜM OTSÜ" - Tiala Imchen

KAKET ITEM TESEMTEM NUNG ANGÜTSÜ (Rs. 700)

Dimapur nung:

1. Clark Literature House (MTBA tenla ki downstairs)
2. Tangit Chowkidar, Duncan DABA Office (M- 9436267243).
3. Tir Yimiyim Office, Super Market.

Kohima nung:

Wt. Tiarenla, PR Hill (near Civil Supply Office) (M - 9856330111).

120Hz Display aketba Realme 7 5G sayaogo

New Delhi, Yimpoksüi/November 22, 2020

(Agencies): Realme-i 7-series smartphone lineup nung 'Realme 7 5G' bendenlokba sangdongogo. Realme phone tasenba nung octa-core MediaTek Dimensity 800U SoC inoktsüogo, koba 'Realme 7' nung keta aliba MediaTek Helio G95 SoC dang nungi temaba asütsü. Iba den bendenloksema, 'Realme 7 Pro' ama Realme 7 5G nung 120Hz display keta aliba angutsü.

Taküm September ita Realme-i Realme 7 series mezüing sayaba ajaki jangjaa lir. Iba sülen October ita company-isa Realme 7i smartphone sayaa liasü, koba sen 11,999 nungi tenzüka angutsü.

Tang, Realme 7 5G (6GB + 128GB storage option) tasenba ya UK nung GBP 279 (sen 27,400) alitsü. Smartphone ya Mist Blue aser Flash Silver sentsü nung angutsü aser November 27, 2020 nü nungi tenzüka Amazon UK sabang ajanga angutsü. Ajisüaka, iba e-commerce sabang ajanga Black Friday Special deal (November 30, 2020 tashi) ama GBP 229 (sen 22,500) agi agütsütsü renema lir. China indang smartphone yangluba company - Realme-i India densema alima tesem balala shishilembadak iba smartphone ayoktsü asoshi osang tejangja magütsü lir. Iba den bendenloksema, Realme UK website nung Realme 7 5G - 8GB RAM variant ka sayuogo saka company-i jenjang memetetdaksü.

Design tsütsü reprangdangra, Realme 7 5G

tereprangtsü Realme 7 Pro ama lir. Iba smartphone nung 6.5-inch full-HD+ (1,080x2,400 pixels) display den 90.5 percent screen-to-body ratio, 20:9 aspect ratio aser 120Hz refresh rate keta lir. Phone telung nung MediaTek Dimensity 800U SoC den 8G RAM aser 128GB onboard storage angutsü. Realme 7 5G yagi dual SIM cards (nano) support asütsü aser phone inyakyim Android 10 den Realme UI ajanga achaayangtsür.

Realme 7 5G tesülen, quad rear camera setup angutsü, kong 48-megapixel primary camera den f/1.8 aperture, 8-megapixel ultra-wide camera den 119 degrees field of view, 2-megapixel macro camera den f/2.4 aperture aser B&W portrait lens densema lir.

Camera inyakyim den yarisemtsü atema, photography mode telisa nightscape mode, panoramic view, expert mode, time-lapse, portrait mode, ultra-wide-angle mode, AI scene recognition aser camera dak sendakba feature balala angutsü.

Selfie tangoktsü aser video calling atema, smartphone tejaklen 16-megapixel inoktsüogo. Tanga feature tsütsü reprangdangra, Realme 7 5G nung 5G, 4G LTE, Wi-Fi 802.11ac, Bluetooth 5.1 aser in-display fingerprint sensor angutsü. Iba smartphone nung 5,000mAh battery ka keta lir aser USB Type-C port ka ajanga 30W Dart Charge fast charging support asütsü. Iba den bendenloksema, company-i ashiba agi, minute 65 nung battery shilem 0 nungi 100 tashi charge süteter.

"Tenet" December 4 nü sayatsü

New Delhi, Yimpoksüi/November 22, 2020

(Agencies): Coronavirus tenokdangba ajanga ita ishika thija arur sülen, India nung Christopher Nolan indang "Tenet" film sayatsü ternemba lir. India kübok theater balala ajanga iba film ya English, Hindi, Tamil aser Telugu oshi nung sayatsü.

Film nung tongti shilem agila Dimple Kapadia-i lar jala Twinkle Khanna indang Instagram page nung, "December 04 nü India theatre

ajunga nung Christopher Nolan indang Tenet film sayatsü. Iba project nung shilem agitsü maongka anguba atema pelar," ta lemsatep.

Nolan-i zulua aser direct asüba Tenet film nung John David Washington, Robert Pattinson, Elizabeth Debicki, Dimple Kapadia, Martin Donovan, Fiona Dourif, Yuri Kolokolnikov, Himesh Patel, Clémence Poésy, Aaron Taylor-Johnson den Michael Caine aser Kenneth Branagh nungeri shilem agiba angutsü.

2buba Darts Masters December 12 nü asayatsü: FTC

Kohima, Yimpoksüi/ November 22 (TYO): Fun Tree Crew (FTC)-i achaayanga December 12 nü Vivid Lounge, Kohima nung 2buba Darts Masters asayatsü renema lir.

Honibarnü asayamung dak sendakba nung osangbenertem den sensaksemba mapang FTC otongdar kati ashiba agi, tetoktepba ya iba asaya ajungkettsü aser Nagaland nung dart asayar jangjatsü atema ayongzükba lir, shirnoki national aser international jenjang nung state tenüng nungi tokteptsü.

Asayamung nung shilem agitsü atema taa sen 1,500 asütsü. Asayamung ya open asütsü aser asayar 32 tokteptsü.

Tenüng züngoksemtsü atema tatembangbuba anogji December 5 asütsü, ta FTC züngsemi ashi.

Tetoktepertem telok pezü kuma lemsatsü aser telok ajak nungi the preliminary round nung temaba jenjang nung tembangba asayar ana knockout stage-i aitsü.

Asayamung senpet ajak agi sen 70,000 agütsütsü aser mezüngbuba jenjang tongtetba asayar nem senpet sen 15,000 den trophy aser kuli kakat agütsütsü. Tanabuba jenjang nung tembangba asayar nem senpet sen 10,000 den trophy aser kuli kakat agütsütsü aser asayar ana nem tasembuba

jenjang agütsütsü. Asayar anaprongla nem senpet sen 5000 agütsütsü.

Maneni highest score, highest check out, best leg aser most promising player atema-a sempet renemja lir.

Covid-19 tensa apir iba asayamung ya asaya nung shilem agitsüpurtem aser asayamung ayongertem atema dang asütsü. Thermal scanners, hand sanitizers aser mask nunger amala tenüngdakba ajak agütsütsü.

Iba dak sendakba nung asayamung ya Facebook aser Instagram nung FTC social media handles ajanga Live sayatsü.

Kasa mapang nung form tem Vivid Lounge aser Zumvu Printex Kohima nung angutsü aser asaya nung shilem aginertemi online ajanga-a tenüng züngoksemtettsü, ta FTC otongdari ashi.

FTC ya 2018 kum non-political aser non-profit organisation ka ama tentet aser züngsemtemi ka kuma longjemer inyaksangshitsü bangzünga ayu.

Onok telok ya saisapong aser lokti sentong balala ajungkettsü nükjidong nung tentet aser ka kuma longjemtsü atema ajungshitsü nükla yur tenzük, ta FTC otongdari ashi.

Kasa sentong nung Kohima yimtsüng nungi

Vikehelie (Azeu) Suohu densema liasü. Pai JDC's Virtual Amateur Darts Championship nung India tenüng nungi asayatsü, koba 2021 kum April 7 nungi 13 tashi asayatsü renema lir.

Championship qualifying round nung takok anguba indang jembidang Suoho-i ashiba agi, internet connectivity dak sendakba nung tetsükdaktsü tulu adokogo, kechiyong iba asayamung ya virtually agia liasü. "Ajisüaka ni lenmang bushiteta asayaogo," ta pai shisem.

Paisa, arishi kum 15 tekübok aliba asayartem atema par kidang darts atema coaching centre ka lapoktsü sentong aliba lemsatepogo. Arishi kum telatetka agütsüba indang jembidang, pai ashiba agi, Nagaland nung lanur dart asayar aikabo mali aser tanur asüandang nungi asayar anitetra iba ajanga international jenjang atongtsü atema teyari agütsütsü.

Suohu-i tang tashi nung 2014 kum Open Darts Championship Dimapur, FTC Darts Masters, 2019 aser 2019 kum (India Darts Federation) National Darts Championship nung Joint 3rd (Team Event), IDF National Darts Championship 2019 nung IDF (Indian & Joint 9th (Open Singles) koka lir.

ATP Finals: Semi nung Medvedev-i Nadal kokogo



Yimpoksüi/November 22, 2020 (Agencies): Rafa Nadal, ATP Finals title ka akoktsü atema nükjidong yur asayaa aliba tembangogo, kechiyong pa semifinal nung 3-6 7-6(4) 6-3 agi Russia nunger asayar Daniil Medvedev-i tsükdaktsüogo. World number four Medvedev-i tang mezüngbuba Grand Slam 20 ben tashi koker aliba asayar ya kokogo aser Dominic Thiem den final asayatsü asoshi maongka ngutetogo, shibai semi nung Novak Djokovic tsükdakja liasü.

Arishi kum 24 tain Medvedev-i par telok nungi asaya ka nung danga tamakok mongui semi-finals tongteta liasü aser asaya akokbatem rongnung Djokovic kanga junga akokba densema lir. Nadal den asaya nung mezüngbuba set pai

tajungba asaya, saka service game ka dang junga masayaba ajanga pai Nadal makok.

Tanabuba set nung 5-1 agi Nadal dang nungi Medvedev kanga tejakdang liasü, ajisüaka Nadal-i asendenshir kanga junga asayaa 5-4 akum aser final nung jenjang ka asoshi serve asü saka Medvedev-i pa indang serve break asü.

Tiebreaker nung Medvedev 5-3 agi tejakdang akum aser iba maongka dak ajemdaker pai tanabuba set akok.

Tasembuba set nung asayar ana tsüngda kanga toktepa asaya, saka game tenetbuba nung Medvedev-i Nadal indang serve break asü.

Game ana lir Nadal-i backhand agi ball azüba net nung ondakba sülen Medvedev-i asaya koka liasü.

Bundesliga puti otsü nung Moukoko asayar tanobusang kumogo



Yimpoksüi/November 22, 2020 (Agencies): Honibarnü Borussia Dortmund nungi Olympiastadion Berlin den asaya nung shilem agiba sülen arishi kum 16 tain Youssoufa Moukoko ya German football league Bundesliga puti otsü nung asayar tanobusang kumogo.

Arishi kum 16 ajungba sülen anogo ka lir Erling Haaland melena pa asaya. Iba asaya parnoki 5-2 agi koka liasü. Iba record ya BVB nungi nüngtugu asayar Nuri Sahin-i bener liasü. Sahin ya arishi kum 17 ajungtsü ita ka lia 2005 kum August ita mezüngbuba BVB tenüng nungi Wolfsburg den asayaa liasü.

"Ni pa den külemi asayaner,"

ta Haaland-i asaya tembangba sülen ashi, ta official Bundesliga website nung sangdonga liasü.

"Pa tang alima nung sempet tajungtiba aketba asayar lir. Pa arishi kum 16 dang, koba kanga tesüngmangtsüka. Pa career kanga tajung asütsü. Pa onok rongnung densemba ya onok asoshi kanga tia taka," ta pai ashi.

Club U19 team nungi iba season pezüben asaya nung goal 13 idaktsüba densema youth games 88 nung pai goal 141 idaktsü lir. Pa takum August ita nungi senior squad den training agi tenzükba sülen Cameroon nung soa intetba striker ya asayar mongintem den asayatsü renema lir.

Kerala nung T20 asayamung nung Sreesanth asayatsü



Yimpoksüi/November 22, 2020 (Agencies): Küm tenet tashi tenokdangba agütsür aliba sülen taoba Indian pacer S Sreesanth tanaben cricket asayatsü renema lir. Kerala Cricket Association (KCA)-i Alappuzha nung taruba ita T20 league ka ayongzükba asayatsü sentong lir aser iba

asayamung nung Sreesanth-i shilem agitsü. Jharkhand, Andhra Pradesh, aser Puducherry sülen KCA-i, local T20 asayamung ka ayongzükba asayatsü sentong lir. Ajisüaka iba asayamung ayongzükba asayatsü atema state sorkar temelaba agitsü nüngdaker.

Kasa mapang nung

Sreesanth, taruba President's Cup nung shilem agitsü aliba KCA tir Sajan K. Varghese-i jangjatsüogo.

Kerala nungi asayar ya India nunger rongnungi timla tulu aliba asayar ka liasü. Pa 2007 kum ICC T20 World Cup nunga India squad nung liasü. Küm pezü sülen pa Cricket World Cup akokba Indian team nung pa shilem ka akum.

Ajisüaka tia maka Indian Premier League match-fixing ken o nung densemba atema BCCI-i pa nem tenokdangba agütsü. Pa nem kum tenet tenokdangba agütsüba September ita tembangogo aser taruba President's Cup ya pa asoshi mezüngbuba tongtibang asayamung ka asütsü.

Tenokdangba magütsü tsüngda Sreesanth, IPL nung Kings XI Punjab aser Rajasthan Royals nungi asayaogo. Pai T20 asaya 60 nung wicket 50 agir lir.

BILEMDANGANG

"Alima nung rongsen ajak agia takum ka malizüktet."